


鑑撮

卷三之一

九



			八	漢書門
		七	八	
	一	四	四	
一	六	冊	架	函
			號	類

庫	文	閣	內
三	八	五	函
一	冊		

內閣文庫	
番號	漢 8784
冊數	16 (9)
函號	285 13




Kodak Gray Scale


A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







鑑撮卷三

响嘯曠敏本謹編

吳縣王朝忠謹校

南朝宋 傳八主共六十年

武帝

姓劉名裕字德輿彭城人代晉都建康改元永初

在位三年壽六十歲 初帝為下邳太守破海賊

孫恩恩敗死眾推盧循為主帝擊循斬之 時後

秦姚泓兄弟相爭帝引王鎮惡 軍將檀道濟 軍將等伐

秦鎮惡帥水軍至渭城解放舟艦諭士卒曰此為

卷三

南朝宋

漢學文庫

金 抄 卷 三
長安北門去家萬里今戰勝則功名俱顯不勝則骸骨不返乃大破秦兵泓遂降 初晉失洛陽等地至是檀道濟恢復洛陽自五胡割據以來殷浩桓溫等北伐皆無功獨帝恢復中原威震夷夏北魏最強亦畏之崔浩稱劉裕才優于慕容垂時帝心圖篡晉急欲東歸遂令王鎮惡沈田子輔幼子義真守秦於是夏王勃勃乘機取長安義真逃歸自此秦地又陷于胡者百餘年 帝將受禪傅亮中書至建康具詔草請恭帝書之恭帝欣然操筆曰桓立之時晉

氏已無天下重爲劉公所延今日之事本所甘心遂禪于帝帝廢恭帝爲零陵王尋弑之 陶潛嘗爲彭澤令郡遣督郵至吏請束帶見之潛曰我豈能爲五斗米折腰卽解印綬去賦歸去來詞著五柳先生傳又自以先世爲晉輔潛侃曾孫恥臣宋故所著書惟記甲子不書宋年號卒號靖節先生 帝清簡寡欲嘗藏微時耕具以示子孫 帝之卽位也徐廣祕書監悲泣謝晦侍中曰徐公得無小過廣曰君爲宋朝佐命身是晉室遺老悲歡事固不可同

營陽王

名義符武帝子改元景平在位一年 營陽好遊

戲徐羨之司空與傅亮檀道濟等廢之旋弒之迎立

文帝 時以蔡廓為吏部尚書廓因徐羨之用事

曰我不能為徐干木羨之字署紙尾

文帝

名義隆武帝第三子改元元嘉在位三十年為太

子劭所弒壽四十七歲 帝仁厚恭儉三十年間

四境晏然江左風俗丕變後言政治者皆稱元嘉

謝靈運臨川內史好遊山或表其有異志遣使收之

靈運作詩曰韓亡子房奮秦帝魯連恥後被誅

檀道濟立功前朝身經百戰朝廷疑畏詔誅之道

濟見收目光如炬脫幘投地曰乃壞汝萬里長城

北魏聞之喜曰道濟死餘子輩不足憚後北魏來

侵帝登城歎曰道濟在豈使胡馬至此初道濟伐

魏食盡引還魏追之道濟夜唱籌量沙以所餘米

覆其上魏軍乃引去 帝嘗與杜坦論金日磾曰

恨今無復此輩人坦曰日磾假生今世養馬不暇

豈辨見知帝曰是何言也坦曰卽如臣本中華高
族直以南渡不早便以倉荒賜隔況日磾胡人耶
帝欲經略中原王元謨將軍獻策帝謂侍臣曰觀
元謨所陳令人有封狼居須通作胥意遂大舉伐魏
沈慶之校尉力諫帝使徐湛之難之慶之曰治國如
治家耕當問奴織當問婢陛下與白面書生謀事
何由濟帝不聽卒遣元謨等進兵魏主自將救之
元謨懼走由是魏人攻陷徐兗六州所過赤地無
餘春燕歸巢于林木元嘉之政自此衰矣 帝寵

太子劭旣而劭不道帝欲廢之久不決王僧綽尚書
曰當斷不斷反受其亂未幾帝洩謀劭遂弑帝并
殺僧綽等而自立僧綽弟僧虔爲司徒屬或勸之
逃僧虔曰吾兄愛我若得同歸九泉猶羽化也劭
亦殺之

武帝

名駿文帝第三子誅太子劭卽位改元孝建大明
在位十一年年三十五歲 顏延之性狷介其子
峻貴重延之心惡之資供絕不受布衣茅屋蕭然

如故嘗語峻曰吾平生不喜見要人今不幸見汝
嘗早過峻見客盈門而峻猶臥怒曰驕盈若此其
能久乎峻果見殺 帝討劭沈慶之處分軍事宗
慤為參佐慤嘗言願乘長風破萬里浪從微蠻蠻
驅象被裝來戰慤製獅子形拒之象驚
走擒劭斬之 帝無道嘗壞高祖陰室牀頭有土
帳袁顗侍稱高祖儉德帝曰田舍翁得此已為過
矣 帝嘗呼王元謨為老傖劉秀之僕為老慳顏
師伯侍為齷音惟憚蔡興宗光祿方嚴不敢侵媒
廢帝

名業武帝子改元景和在位一年壽寂之弑之
廢帝嘗入廟指高祖裕像曰渠大英雄生擒數天
子指太祖隆像曰渠亦不惡但不免兒斫去頭指
世祖駿像曰渠大臄音鼻如何不臄令畫工臄之
湘東王彧肥廢帝謂之猪王嘗遊華林園使宮人
裸相逐召列諸王妃主強左右淫之

明帝

名彧文弟第十一子改元義嘉在位八年壽三十
四歲 帝造湘宮寺謂巢尚之太曰此我大功德

姚虞愿侍郎曰此百姓賣兒貼婦錢所為有何功德

帝宮中大宴裸婦人觀之王后以扇障面 帝

性尤忌刻世祖二十八子誅殺殆盡 王景文王

后兄也皆賜死景文方與客碁叩函看勅已置局

下神色不變局竟徐告客曰奉勅當死作墨啓謝

飲藥卒

蒼梧王

名昱明帝子改元元徽在位四年蕭道成弑之

蒼梧無度性嗜殺一日不殺則慘然不樂嘗直入

蕭道成司空府道成晝臥裸袒蒼梧令起立畫腹為

的將射之道成曰老臣無罪乃更以髀箭射中其

臍投弓大笑而去道成乃命王敬則將軍等圖之會

蒼梧晚至新安寺偷狗醉還遂弑之追廢為蒼梧

王

順帝

名準明帝第三子改元昇明在位三年 帝為蕭

道成所立道成勢傾中外帝泣曰願世世勿生天

王家遂禪于道成未幾道成弑之

南朝齊傳七主共二十四年

高帝

姓蕭名道成蘭陵人代宋都建康改元建元在位四年壽五十五歲當宋明帝時帝鎮淮陰收養豪傑明帝臨崩袁粲尚書褚淵將軍等受顧命輔幼主昱及昱見殺帝乃立順帝以粲鎮石頭城粲知帝有異志密謀誅之以告淵淵洩其謀粲被殺百姓哀之謠曰可憐石頭城寧為袁粲死不作褚淵生帝欲篡宋慮淵有異任遐曰褚彥回淵字惜身保

妻子必不異也已而順帝將禪齊淵與王儉尚書等奉璽綬勸進處士何點戲謂人曰我作齊書已竟贊曰淵既世族儉亦國華不念舅氏違恤國家淵儉母皆宋公主故云然帝性清儉嘗曰使我治天下十年當使黃金與土同價

武帝

名曠高帝子改元永明在位十一年壽五十四歲帝明而能斷長吏犯法封刃行誅永明年間民安盜息 陳顯達為江州刺史崇儉約見諸子持

塵尾戒之日塵尾拂蠅是王謝家物不須捉此命燒之

鬱林王

名昭業武帝孫改元隆昌在位不一年蕭鸞弑之

武帝之將崩也以朝事屬鸞鸞專政有異志至

是引兵入鬱林驚拔劍自刺不入輿至西弄

中別道如永巷之類鸞弑之追廢為鬱林王

海陵王

名昭文武帝孫鸞所立也改元延興在位不一年

鸞廢為海陵王弑之

明帝

名鸞高帝姪改元建武永泰在位五年壽四十歲

帝性猜忌誅戮諸王殆盡先是高帝盡滅劉氏

至是高帝武帝諸子亦盡

東昏侯

名寶卷明帝子改元永光在位三年蕭衍弑之追

廢為東昏侯 東昏不道已極初即位惡明帝靈

在太極殿每當哭輒云喉痛羊闐入臨無髮俯仰

噴脫東昏大笑曰禿鷲啼來乎東昏寵潘妃鑿金
爲蓮花以貼地令妃行其上曰此步步生蓮花也
初明帝臨崩詔以始安王遙先蕭坦之等六人
同掌機事謂之六貴蕭衍時爲雍州刺史謂其兄懿尙書令
曰六貴同朝亂將作矣未幾果如衍言衍勸懿行
廢立事不聽已而嬖臣茹法珍譖懿乃賜懿藥酒
懿且死曰家弟在雍深爲朝廷憂之衍與范雲蕭
琛任昉王融謝朓沈約陸倕以文學相親號八友
衍有文武才至是聞懿死遂起兵誅東昏別立寶

融是爲和帝

和帝

名寶融明帝子改元中興在位一年禪于梁蕭
衍有受禪意沈約議曰齊祚已終明公當乘其運
衍遂受禪廢和帝爲巴陵王約復勸衍殺之時顏
見遠御史不食死衍曰我自應天順人何預天下士
大夫事而見遠乃至此約進位僕射旣而忽頓戶
下因病夢和帝劒斷其舌大恐使道士奏赤章于
天稱禪代事不由已衍聞之怒責之約懼遂卒約年

七十

南朝梁傳四主共五十五年

武帝

姓蕭名衍南蘭陵人代齊都建康改元天監普通
大通中大通大同中大同太清在位四十八年壽
八十六歲 帝博學能文睦族下士置謗木肺石
函以求賢伸冤三更即起視事冬月執筆手敍嘗
曰昔腰十圍今裁二尺言勞也對內豎如大賓居
暗室必理衣冠盛暑小坐未嘗褰袒性不飲酒布

衣阜帳泊然儒素終帝世無水旱災 韋叡為將

勇氣無敵時魏兵南侵帝弟宏臨川王與呂僧珍將軍

禦之不能支叡大破之魏人歌曰不畏蕭娘與呂

姥但畏合肥有韋虎 徐勉為相嘗夜集有客求

官勉正色曰今夕止可談風月 帝信浮屠捨身

同泰寺以求福如是者三羣臣以錢億萬贖之三

請而後許又以宗廟用牲牢累冥道以麩代之以

為不復血食之象初武帝欲取魏壽陽築淮堰將
決以灌之及堰壞漂入海者十餘萬口慈悲安在
哉按麩代亦自有見 處士陶弘景隱茅山帝有
築堰或有獻計者

大議必諮之人謂山中宰相帝詔問山中何所有
答曰山中何所有嶺上多白雲只可自怡悅不堪
持贈君 時河南爲東魏地高歡魏相以侯景鎮之
景初爲爾朱榮將學兵法于慕容紹宗及歡誅爾
朱乃降歡嘗言于歡曰願得兵三萬橫行天下要
須濟江縛蕭衍老公爲太平寺主又私曰高王歿
吾不能與鮮卑小兒共事及歡病謂子澄曰景飛
揚跋扈非汝所能御也堪敵景者紹宗耳歡卒景
以河南地降西魏未幾又叛欲以河南降帝帝聽

朱异言受景降以爲河南王時東魏作檄移梁略
曰侯景難養乃授以利器竊恐楚國亡猿禍延林
木城門失火殃及池魚已而東魏遣紹宗擊敗景
復遣使求和异欲許之傅岐以爲此高澄設閒欲
景自疑作亂不可許帝卒許之景遂反圍臺城帝
茹蔬皆絕但食雞子帝憂憤成疾口苦索蜜不可
得再曰荷荷餓而死 初帝徵謝朓朓不出一日
輕舟自出詣闕帝以爲司徒

簡文帝

監最卷三

南朝梁

七

名綱武帝子改元大寶在位二年為侯景弑壽四十九歲 先是太子統五歲能遍誦五經天性孝謹早卒諡曰昭明武帝立綱為太子至是即位時侯景稱宇宙將軍帝驚曰將軍亦有宇宙之號乎元帝

名繹武帝子即位江陵改元承聖在位三年壽四十七歲 時王僧辯等上表勸進帝答曰淮海長鯨雖云授首襄陽短狐未全革面長鯨喻侯景短狐喻岳陽王督鎮襄陽太平玉燭泰階六星平則治四時調曰玉燭爾乃議之初

武帝困臺城帝時為荊州刺史坐視不救及簡文歿乃遣王僧辯陳霸先討侯景恐先解父兄之圍而已不得帝也不良甚景就誅 先是王偉有文名為侯景謀主所作檄文有曰項羽重瞳尚有烏江之敗湘東一目帝一目眇封湘東王西魏宇文泰來伐帝方講老子及江陵城陷帝盡焚古今圖書或問之曰讀書萬卷猶有今日故焚之魏人殺之

敬帝

名方智元帝子即位于建康改元紹聖太平在位
 二年禪于陳 先是武帝遣蕭淵明武帝兄懿之子侵東
 魏為魏所虜及齊高洋篡魏又以兵納淵明令帝
 梁於是王僧辯迎淵明即位以帝為太子既而陳
 霸先殺僧辯廢淵明仍奉帝為主霸先自封陳王
 未幾霸先廢帝為江陰王尋弑之

後梁

時南梁為陳篡蕭
答再帝故稱後梁

蕭詧昭明太子統之三子也封岳陽王侯景篡
 位時詧與元帝繹彼此攻殺詧求援于西魏魏

殺繹取江陵令詧稱帝改元大定在位八年殂
 子歸立改元天寶在位二十三年殂子琮立改
 元廣運在位二年隋并其地

南朝陳

傳五主共
三十三年

武帝

姓陳名霸先吳興人代梁改元永定在位三年壽
 五十七歲 帝好讀兵書明緯候孤虛遁甲之術
 性儉素然政刑不舉嘗捨身大莊嚴寺詒謀無取
 矣

文帝

名禕武帝兄子改元天嘉天康在位七年壽四十五歲 帝起艱難知民疾苦每勅傳更籤于殿中者投籤階石上令鏘然有聲曰吾雖眠亦令驚覺
臨海王

名伯宗文帝子改元光大在位二年安成王頊廢之

宣帝

名頊武帝子改元太建在位十四年壽五十三歲

帝乘北齊之亂遣將伐之既而周滅齊帝欲乘此爭徐兗又與師北伐為周所敗

後主

名叔寶宣帝子改元至德禎明在位七年降于隋 後主荒淫起臨春結綺望仙三閣自居臨春貴妃張麗華居結綺龔嬪孔嬪居望仙複道往來其閒以宮人袁大捨等為女學士江總尚書孔範尚書等為狎客使共賦詩采其尤豔麗者被以新聲其曲有玉樹後庭花臨春樂等名麗華性慧百司啓奏

後主置麗華于膝共決事 時隋文帝楊堅聞後
主不道謂高潁曰我為民父母豈可限一衣帶水
不拯之乎於是其次子廣為元帥率楊素韓擒虎
賀若弼高潁等來伐隋兵至建康後主出投井隋
兵以繩引上怪其重及出乃與麗華孔嬪同東而
上後人名後主既虜至隋請于文帝曰願得一
官文帝曰後主全無心肝 先是有密啓告急者
後主不省及高潁至見啓在牀下猶未開封 初
晉元帝時郭璞言江東分王三百年復與中國合

至是韋鼎散騎常侍聘周回盡賣田宅或問之曰江東
王氣盡矣未幾隋滅陳

北朝魏起晉孝武帝太元十一年道武稱王終
梁武帝中大通六年孝武去洛共一百
四十九年

道武帝

姓拓跋氏名珪其先出自黃帝初稱代王改元
登國已而稱帝又改元皇始天興天賜凡在位
二十三年 道武志圖中原擊破北狄柔然又
與燕王慕容垂戰屢破之國益強 道武圍中

山時值甲子晦太史令曰紂以甲子亡不吉道
武曰武王不以甲子興乎時軍食乏問計于崔
逞逞曰桑椹可以佐糧飛鴉食而改音者也道
武用其言而心實銜之蓋詩義以鴉喻夷也後
竟以事責逞至死逞中州士人也 道武務農
息民計口授田考音定律命朝野束髮加帽分
尚書諸曹置五經博士增國子太學生嘗問博
士李先曰天下何物可益人神智對曰莫若書
籍 道武晚好神仙服藥致病爲子紹所弑於

是長子嗣誅紹襲位

明元帝

名嗣道武子改元永興神瑞泰常在位十年
時河南爲宋河北爲魏明元拔宋虎牢疆土益
闢 崔浩研經術精天文織妙如美婦人常自
比張良明元敬禮焉

太武帝

名燾明元子改元始光神麤延和太延太平眞
君正平在位二十八年 太武性儉素精聽察

嚴賞罰嘗詔以肥馬給獵騎古弼竟給弱馬太武怒欲斬弼弼曰吾不備遊畋其罪小不備軍國用其罪大今蠕蠕即柔然也太武比之蠢動故號曰蠕蠕方強南寇未滅吾爲國遠慮死何傷太武聞之大喜他日太武復畋弼復諫曰秋穀懸黃麻菽布野乞賜矜緩使得收載太武却蠕蠕破赫連取關洛并涼燕攻克宋之徐兗等六州太武聽崔浩言立天師道場浩初不信佛老旣而惑于道士寇謙之之說遂上書神其事浩又請盡誅

沙門毀諸佛像專崇道教太武任浩益篤浩與高允等撰國史所錄魏先世事甚詳北人譖浩以爲暴揚國惡太武竟誅浩允嘗授太子晃經晃教允言皆浩所作及允入反自言與浩同作且云多于浩太武謂晃曰直哉此人情所難遂免之初翟黑子受賂事發允勸以首實黑子不以實對太武殺之至是允謂人曰吾不奉東宮指導者恐負翟黑子也允出八三省五十餘年未嘗有過卒年九十八游雅嘗曰前史稱卓子

金抄卷三
康茂 劉文饒之為人褊心者或不之信余與高子遊處四十年未嘗見其喜愠之色乃知古人為不誣耳高子內文明而外柔順其言訥訥不能出口昔崔司徒浩嘗謂高生豐才博學一代所推所乏者矯矯風節余亦以為然及司徒得罪聲嘶股栗高子獨詞義清辯何矯矯也宗愛中常侍用事威震四海王公趨庭望拜高子獨升階長揖非風節耶 先是太子晃素惡宗愛愛譖于太武晃以憂卒太武後悔悟愛懼誅遂弒

太武已而愛伏誅晃子濬立

文成帝

名濬太武孫改元興安興光太安和平在位十四年 文成與時消息民獲安全性明察有言冀州刺史源賀反者文成保其無他訊驗果誣獻文帝

名弭文成子改元天安皇興在位六年 獻文帝勤于為治賞罰嚴明然好黃老薄富貴傳位太子宏時年五歲宏悲泣獻文問之曰代親之感

內切于心羣臣尊獻文爲太上皇退居崇光宮
嗣爲母馮后所弑

孝文帝

名宏獻文子改姓元

胡改中國姓自此始

改元延興承明

太和在位二十九年 孝文性孝生三年爲獻
文吮癰及卽位馮太后欲廢之不果孝文無憾
意馮太后殂哀號不輟行三年喪詔羣臣聽終
制好讀書善屬文好賢樂善出宮人賜無妻鎮
兵罷末作出府藏賑貸立國子太學四門小學

如魯祀孔子求遺書親決疑獄班百官俸祿又
以豪右占奪下詔均田定樂章正祀典親耕藉
田行養老乞言禮禁同姓爲婚文物燦然 孝
文以平成地寒遷都洛陽其北方酋長及侍子
畏暑聽秋朝春還時稱鴈臣 孝文重齊人嘗
謂羣臣曰江南多好臣李元凱對曰江南多好
臣歲一易主江北無好臣百年一易主孝文慚
孝文以高陽王雍爲湘州刺史戒之曰作牧
亦易亦難身正則易身不正則難 李崇爲兗

州刺史充多盜崇命村置一樓樓皆懸鼓盜發之處亂擊之旁村始聞者以一擊為節次二次三俄頃之間聲聞百里皆發人守險由是盜無不獲世亂弭盜之法莫良於此

宣武帝

名元恪孝文帝子改元景明正始永平延昌在位十六年 是時倖戚用事魏政始衰郭祚嘗懷黃鬴奉太子遂以為少師時謂黃鬴少師 彭城王勰宣武叔也小心謹慎閑居無惰容宣武

毒殺之 宣武大營佛寺遠近事佛遂有一萬三千餘寺

孝明帝

名翊宣武子改元熙平神龜正光孝昌在位十三年 崔亮為吏部尚書立停年格洛陽令薛琬上書言黎元之命繫于長吏若選曹惟取年勞不問賢否義均行鴈次若貫魚執簿呼名一吏足矣數人而用何謂銓衡魏選舉失人自此始 孝明生母胡后淫穢魏制太子既立必殺其母胡氏獨不見殺自此太子母皆得免

金抄卷三
后臨朝其父胡國珍卒尊爲太上秦公 張彝
之子仲瑀上封事排抑武人於是虎賁忿怒曳
彝捶死並焚其第時高歡在洛陽見之還家傾
貲給客或問之曰宿衛焚大臣第朝廷懼而不
問事可知矣財可常守耶未幾幽涼寇至荆蠻
並起後雖討平之而爾朱榮以功爲都督卒以
傾魏矣 鄭儼參軍徐紇舍人與胡后表裏弄權孝
明密召爾朱榮舉兵內向儼紇懼遂與胡后謀
酖殺孝明胡后乃立孝文曾孫劔榮兵至洛執

后及劔皆沈河儼伏誅紇奔梁

孝莊帝

名子攸彭城王勰之子爾朱榮所立也改元建
義永安在位三年 爾朱榮求九錫孝莊不與
孝莊后榮女也性妬忌孝莊外逼于榮內迫于
后曰吾寧爲高貴鄉公改司馬昭被弒死不爲常道鄉
公禪位于司馬炎生乃聲言皇子生榮入賀孝莊與坐
手刃之榮子兆時爲邠州刺史聞榮死起兵赴
洛執孝莊鎖而弑之 初高歡投榮榮廐有悍

馬命翦之歡不加羈絆而翦之亦不蹄齧起謂
榮曰御惡人亦猶是矣榮奇其言引參軍事嘗
謂兆曰爾非其匹終當爲其穿鼻及兆弒孝莊
與歡結爲兄弟趙郡李元忠載酒迎歡謂曰公
柰何猶事爾朱耶歡遂舉兵問兆罪兆自縊死
節閔帝

名恭宗室之子爾朱世隆所立也改元普泰在
位二年 節閔英毅時邢子才爲赦文敘孝莊
在殺爾朱榮狀節閔曰永安手翦強臣非爲失

德直以天未厭亂故逢成濟之禍節閔閉口八
年至此乃言中外欣然以爲明主高歡恐其難
制遂廢而弒之

孝武帝

名修魏宗室也高歡所立改元永熙 高歡爲
大將軍居晉陽時宇文泰爲賀拔岳

雍州刺史司馬

自請詣晉陽以觀歡之爲人歡奇其狀貌欲畱
之泰固求復命歡既遣而悔之已而岳死泰遂
據長安時孝武以歡勢日逼洛陽不可居乃奔

長安往就秦先是熒惑入南斗諺云熒惑入南斗天子下殿走梁高祖跣足下殿以應之至是孝武西奔梁高祖聞之曰虜亦應天象耶孝武既入長安歡乃立孝文之孫善見是爲孝靜帝自此孝靜爲東魏孝武爲西魏

東魏

孝靜帝

名善見孝文孫在位十七年 時高歡擅權歡卒子澄嗣澄卒弟洋嗣洋使羣臣請禪孝靜乃

下御座步就東廊咏范曄漢獻帝贊曰獻生不辰身播國屯終我四百永作虞賓遂乘犢車出禪位于洋東魏亡

西魏

文帝

名寶炬孝文曾孫宇文泰弑孝武遂立之改元大統在位十七年 時泰爲太師政皆決于泰廢帝

名欽文帝子改元乾明在位三年宇文泰廢而

弑之

恭帝

名廓廢帝之弟宇文泰所立復姓拓跋氏在位四年時宇文泰卒子覺嗣已而泰姪護逼恭帝禪位于覺尋弑之西魏亡

北齊

傳六主起梁簡文帝大寶元年終陳宣帝太建九年凡二十八年

文宣帝

姓高名洋歡之子受魏禪改元天寶或作保在位十年初高歡欲觀諸子器識使各治亂絲文

宣獨抽刀斬之曰亂者必斬文宣耽酒淫暴

嘗謂元韶曰漢光武何故中興曰為誅諸劉不

盡於是誅元氏之族幾盡崔暹僕射死文宣往

哭之謂其妻曰思暹乎曰思之曰然則往省之

手斬其妻擲首牆外時李集典御丞面諫比之桀

紂文宣令縛置流中久之引出謂曰我何如桀

紂曰彌不及矣又沈之引出更問者數四集對

如初文宣大笑曰天下有如此癡人方知龍逢

比干未是俊物釋之文宣惟委任楊愔持衡貞

度幸得不亡 齊命魏收撰魏書收以愛憎爲
褒貶自謂舉之則使升天按之則使入地納爾
朱之金而滅榮之罪人以爲穢史

廢帝

名殷文宣子在位不一年高演廢之

孝昭帝

名演文宣之弟改元皇建在位一年 孝昭性
孝明習吏事凡田市征稅不便者悉除之 孝
昭以王晞爲侍郎晞辭或勸之晞曰非不好作

官但思之爛熟耳

武成帝

名湛文宣之弟孝昭死舍太子百年不立遺詔
以弟湛承大統改元大寧河清在位四年 武
成帷薄不修殺百年寵和士開士開善握槊彈
琵琶嘗謂武成曰自古帝王盡爲灰土堯舜桀
紂竟復何異陛下宜及少壯爲樂武成大悅傳
位太子緯自稱太上皇 武成任用盲目流人
祖珽等枉殺斛律光光屢著戰功嘗歎曰盲人

入國必破矣及周高祖滅齊曰光在安得至此武成母太后

胡氏與沙門統曇獻通武成朝太后見二尼悅

而召之乃男子也曇獻事發伏誅遂幽太后于

北宮

後主

名緯武成子改元天統武平隆化在位十二年

後主好彈琵琶為無愁曲民間謂之無愁天

子 後主嘗問其弟綽南陽王曰在州何事最樂

對曰聚蠍于器置狙其中觀之極樂後主即索

蠍置浴斛使人裸臥其中號叫宛轉後主大悅

讓之曰如此樂事何不馳驛奏聞 後主自稱

太上皇傳位太子恆為周所滅北齊亡

北周傳五主起陳武帝永定元年終陳宣帝大建十三年凡二十八年

孝愍帝

姓宇文名覺泰之子在位不一年 初宇文泰

于魏文帝時自稱太師引用蘇綽依周禮定六

官時又作九命九秩之典以敘官爵為後世以九敘品之始作府兵崇儒好

古文物燦然泰卒覺遂篡魏自立稱天泰姪護

專權覺謀誅之護遂弑覺

明帝

名毓孝愍弟宇文護所立也改元武成在位四年護弑之

武帝

名邕明帝弟改元保定天和建德宣政在位十八年時朝權歸宇文護武帝深沈不露圭角引護入謁太后以玉珽擊殺之武帝行三年喪苦盧之禮率遵前典自漢文短喪以後能終制者惟武帝與晉武魏

孝文宋孝而已

武帝禁釋道除淫祠省妃嬪蓋善于

保勝者

宣帝

名贊武帝子在位二年初宣帝為太子遊戲無度武帝屢杖之宣帝矯情修飾過不上聞王軌總管嘗侍宴捋武帝鬢曰可愛好老公但恨後嗣弱耳武帝知之不能割愛至是宣帝即位捫其杖痕曰死晚矣於是殺王軌宣帝叔父憲平齊有功宣帝忌其望重殺之宣帝自稱天元

靜帝

皇帝所居稱天臺傳位太子闡聲瘞而死

名闡宣帝子改元大象大定在位二年禪于隋

時楊堅稱隋王尋自立為帝廢靜帝而弑之

初竇毅之女聞周主禪自投堂下太息曰恨

我不為男子救舅氏之患毅及襄楊公主掩其

口曰毋妄言由是奇之及長適唐公李淵

嘉永戊申

